

**Kra n yidrisen:**

**Almud: tumzabt. Masaa SAID.**

**Aḍris amezwar (1r)**

**Azwel: Alem d tzezzart**

Iggen wass alem iḡerreb ʔel tzezzart bac ad yecc tifrays, lakin igget tlefsa telwa ammass. Ihab, iwexxer sis. Tazeggart tessan belli yegged sis, tennayas : « Mimi treggled, thabed ? » Iwajebt alem : « Wel tteggdey s tadriwinnem, ggdey s teymas n tlefsa illan ammasnem, lukan wel ggidey ad yiteswaqqes, ad mḡey di cared imawen. »

**Aḍris fayed sen (f.2)**

**Azwel: Zzitunet d umawal**

Iggen wass, zzitunet tennayas i umawal : « Necci ifeyac s zzin, s lqewwet, s ssber. Cečči tḡeefed, aḡu ad cyerna bihfih. » Yessusem mawal, walakin beed bessi, yeččerd iggen waḡu yeqwa. Mawal yinez, yeḡmel ahezzi s ssber, yemneε. Zzitunet wel tyis ad tinez, yerzitt waḡu.

Antu d lmeenas : wal tteafar mea wasi yeqwan yefč.

**Aḍris fayed cared (f.3)**

**Azwel: Aḡellid d Wemrabeḡ**

I ggen wass, aḡellid yergeb iggen Wemrabeḡ yeqqim imi n yiggen lyar, iḡu axemmals iggen yiyes n tbejna n bnaem, iεezzem dis. Iḡerreb ʔers aḡellid, yessestent, yennayas : « Batta i treggbed sis ? » Iwajebt amrabeḡ : « Ay aḡellid, ufiy tbejnayu ybecca, si lweqtanni necci reggbeḡ sis, d tabejna n yiggen uḡellid an cečči ney d tabejna n yiggen uḡawali an necci. »

**Aḍris fayed ukkuḡ (f.4)**

**Azwel: Sent ḡejjamin**

Sent ḡejjamin nekkunent irden d temzin ; tajrest, ččurent agejgurnsent. Si yewwed ssif, imendiyan kemcen mmunekzen. Yennayas ddker i lenta : « Cemmi teccid imendiyan-u ? » Tennayas : « Wel cciy. » Wel ttiseddeq. Yewwett s uyembuss d wafriwens, yenyt. Si iead lweqt n tasmuḡi, imendi yedwel manč i yettuḡ. Lweqtanni, yessen ddker belli yenyu taḡejjamts f lbaḡel. Yendem f yimans, lakenni wel tyenfie andams.

### **Aḍris fayed semmes (f.5)**

Azwel : **Sidna Suliman d imekreḍ n lwez**

Iggen werḡaz yus-d yel Sidna Su« Ya Nnbi Rebbi, lḡiran-ik ttakren-i lwez-ik, wel ssiney manayu ittakren. » Sidna Suliman iceyyee i medden l tzallit, yenna-yasen : « Manč ! Iggen seḡ-wen yettaker lwez n lḡar-s, yus-d yel tamejdida tibulbulin tabejna-s. » Lweqt-nni, imekreḍ yessers fus-s tabejna-s. Yenna Sidna Suliman : « Tṭfet arḡaz-u, netta d imekreḍ. »

### **Aḍris fayed sess (f.6)**

Azwel: **Sen imkerḍen d bab leḡnan**

Ssawalen f sen imkerḍen, iggen wass utfen yel yiggen leḡnan ad akren iḡemmayen. Iggen sisen yuli tameččit, d wiḍiḍen yuli sferjelt ; bdan ttettsen iḡemmayen, ttaḡanten ibernasnsen. Netnin am wenni, bab n leḡnan yergebten. Yuzen ixeddams bac ad tendawin. Si eaden dessats, yumer f ixeddams bac ad rṛzen f tbejniwinnsen iḡemmayen iy ukren.

### **Aḍris fayed sa (f.7)**

Azwel: **Tillit d lberyuwet**

Ḥekkan f yigget tellit tettuy lefrac n yiggen werḡaz s witlis, tettuy teḡḡur mea laman, tesses idammen n werḡaznni si aya yili yettes, lac yers lexbar. Nettaha am wenni, iggen deḡ yid, tusayasd lberyuwet, tennayas : « Deyyefyi. » Twajebtt : « Ens deḡ yidu yerney, ad teswed idammen d iweḡdiyem, ad iead yerm lefrac d aweḡdi. » Tensu lberyuwet. Si yettes werḡaznni, tkeddeḡt al difaq. Yeččerd arḡaz, ikelleb amčans, terwel lberyuwet ; wel yufi menxlaf tillit, yetteft, yeni-tt.

### **Aḍris fayed tam (f.8)**

Azwel : **Ttajer d ssaneε**

Ḥekkan yef yiggen ttajer d yiggen ssaneε ttuyen d lḡiran. Memmis n ttajer, iggen wass, yuḡa lwad, yeyreq aman . Yergebt ssaneε, iḡar yers, yessemneεt. L wacca, taddart n ssaneenni teḡrek. Ininni iεemren taddartnni rewlen. Yellis n ssaneenni ttantt igget tzeqqa. Yergebtt ttajer, yiwittd, menbeεd, yennayas i babas : Asennaḡ, cečči tessmeneεd memmik, assu necci smeneεy yellič.